

ՈՒՇԻԻ Ս. ՍԱՐԳԻՍ ՎԱՆԱԿԱՆ ՆԱՄԱԼԻՐԸ ԵՒ ՈՍԿԱՆ ԵՐԵՒԱՆՅԻՆ

ՆՆ ԳԱՎ Ննագիտության և ազգագրության ինստիտուտի արշավախումբը (ղեկավար Ֆրինա Բաբայան, գիտական խորհրդատու Արամ Քալանթարյան, ճարտարապետներ՝ Գրիգոր և Կորյուն Ղաֆադարյաններ) 1999-2001 թթ. պեղումներ է իրականացրել Ուշիի Ս. Սարգիս վանահամալիրում:

Նամալիքը գտնվում է Արագածոտնի մարզի Աշտարակի ենթաշրջանի Ուշի գյուղից մոտ 300 մ հյուսիս-արևմուտք, բարձունքի հարավային ստորոտում -Ք. ծ. ա. Բ.-Ա. հազ. բնակավայրի եզրին:

Վանքի շինությունները կառուցվել են Ե.-ԺԸ. դդ. փարբեր ժամանակահատվածներում: Բոլորը կործանվել են 1827 թ. երկրաշարժի հետևանքով: ԺԹ. 30-ական թվականներից Ուշի այցելած ճանապարհորդներն ու ուսումնասիրողները վանքի պատմությանը նվիրել են աշխատություններ, որոնք սակայն գրվել են այն ժամանակ, երբ շինություններն արդեն թաղված են եղել հողի ստվար շերտի տակ: Նրանց բոլորի ցանկությունն է եղել վանական համալիրը պեղված և ուսումնասիրված տեսնելը (Նով-հանես Խաչ. Շահխաթունյանց, Ղեմտղ Ալիշան, Խաչիկ վրդ. Դադյան և ուրիշներ)¹: Տարիների երազանքը իրականացվեց միայն Երևանի պետական համալսարանի Աստվածաբանության ֆակուլտետի դեկան Գերաշնորհ Տեր Շահեն արքեպ. Աճեմյանի հոգաձությամբ: Շահեն Աճեմյանի հայրենաակեր գործունեության գագաթնակետն էր Ուշիի Ս. Սարգիս վանական համալիրի պեղումների իրականացումը: Նավարարիմ իր գաղափարին՝ առ Աստված, Եկեղեցի և Նայրենիք, նա երեք փարի շարունակ յուրաքանչյուր շաբաթվա մեկ օրը փրամադրում էր վանքին: Մասնակցում էր հնագիտական աշխատանքներին, հեղափոխվում հայտնաբերված նյութերով, սիրով գրուցում ուշեցի բանվորների հետ, լուռ փնտրում էր Ոսկան Երևանցու ձեռագիր Աստվածաշնչից գեթ մի փոքրիկ պատրանիկ... Յավոք չէր կարող գտնել ոչ մի պատրանիկ, քանի որ

¹ Տե՛ս «Ստորագրություն Կաթողիկե Էջմիածնի և հինգ զատաացն Արարարայ», աշխատ.՝ Յովհաննու եպիսկոպոսի Շահխաթունեանցի, Կ. Բ., Էջմիածին, 1842, էջ 118-120. **Ղ. Ալիշան**, Այրարար, Վենետիկ, 1890, էջ 181. **Կ. Կոստանեանց**, Վիմական փարեզի, Ս. Պետրբուրգ, 1913, էջ 107-164. **Ու. Գասպարյան**, Ուշիի Ս. Սարգիս վանքի վիմագրական արձանագրությունները. «Լրաբեր», 1993, թ. 1, էջ 130-136:

մինչև երկրաշարժը՝ 1779 թ. Վրաց Ներակի թագավորը Նուսեյին խանից չստանալով իրեն հասանելիք հարկը՝ գրավեց Երևանը, կոտորեց բնակչությանը, ավերեց գյուղերը, թալանեց 30-ից ավելի եկեղեցիներ:²

1654-1662 թթ. Ոսկան Երևանցին Ս. Սարգիս վանքի վանահայրն է եղել: Ոսկանը ծնվել էր Իսպահանում 1614 թ.: Աշակերտել է Խաչատուր Կեսարացուն: Էջմիածնում ծանոթացել է մտերմություն է արել դոմինիկյան լատին կրոնավոր Պողոս Փիրոմալիի հետ, որը փորձում էր Նայոց Եկեղեցին հռոմեական եւ քաղկեդոնական դարձնել: Ուշիմ եւ կրթության կարող Ոսկանը նրանից պարզապես սովորեց լատիներենը եւ գիտելիքներ կորզեց: Դարձավ ժամանակի ամենակրթված եւ զարգացած հայ մտավորականներից մեկը: Ուշիմում ութ տարիների ընթացքում նա ոչ միայն աշխատում էր իր ձեռագրի վրա³, այլ վանքի պարսպի ներսում եւ արտաքին կողմում կառուցում եւ վերակառուցում էր բազմաթիվ շինություններ, որի մասին կարելուք տեղեկություններ է հաղորդում Առաքել Դավրիժեցին. «այս վանքս նորոգեցաւ ձեռամբ Ոսկան վարդապետին, որ էր ինքն յԵրևան քաղաքէն եւ յաշակերտաց Փիլիպոսի Կաթողիկոսին: Չի թէպէր կայր եկեղեցին վայելուչ եւ սրբաշէն եւ բաճրաբերձ կաթողիկէի, այլ տանիք եկեղեցեացն ամենեցուն քանդեալք եւ աւերեալք էին... Իսկ Ոսկան վարդապետս թէպէր ոչ կարաց նորոգել զտանիքն եկեղեցեացն, զի որ ունէր այնքան գոյս, այլ մեծաւ տաճանմամբ եւ բազում աշխատութեամբ պեղեաց զգորս կողմն եկեղեցոյն, եւ պատեաց շուրջանակի պարիսպ յոյժ ամուր, եւ ի մէջ պարսպին շինեաց ըստ պատշաճին խցեր եւ փներ եւ ինքն կայ անդէն բարութ կարգաւորութեամբ յուսացեալ յողորմութիւնն Աստուծոյ բարեխոսութեամբ սրբոյն Սարգսի գօրավարին»⁴:

Պեղումների արդյունքները ոչ միայն հաստատում են վանքում կատարած նրա շինարարական աշխատանքների մասին, այլև օգնում են որոշակի գիտական լրացումներ անել: Այն է՝ վանքի գլխավոր մուտքի, կամարասրահի, պարսպի, վանախցերի շինարարական եւ ճարտարապետական մանրամասները թույլ են տալիս ասելու, որ հոգևոր շենքերը ԺԲ.-ԺԳ. դդ. արդեն շրջափակված են եղել քարակերտ պարսպով: ԺԶ. դ. կառուցած վանախցերի, փնտեսական սենյակների եւ մյուս կառույցների հարակիցների տակ առանձնացվում են ԺԲ.-ԺԳ. դդ. մշակութային շերտերը, նույն դարաշրջանին բնորոշ խեղեցեն բեկորներով: Ոսկան Երևանցու կատարած շինարարական եւ վերակառուցման աշխատանքները մի նոր որակ են հաղորդել վանքին:

Ոսկան Երևանցու վերակառուցած պարիսպը ներկայումս պահպանվել է ողջ շրջագծով, տեղ-տեղ մինչև 3 մ բարձրությամբ: Այն իր մեջ է առնում ողջ համալիրը, շարված է կավաշաղախ հիմքի վրա՝ կոպտարաշ բազալտե քարերով, որոնք վերցված են Բ. ծ. ա. Բ.-Ա. հազ. ամրոցի շինություններից: Պարսպի անկյուններում կան հզոր, ներսից կրկնահարկ աշտարակներ, հարակազմում երեքը՝ կլոր, երկուսն՝ ուղղանկ-

2 Տե՛ս Մաղաքիա արքեպ. Օրմանեան, Ազգապատում, Բ., Մայր Աթոռ Ս. Էջմիածին, 2001, էջ 3605:

3 Տե՛ս «Սիւն», 1966, թ. 10-12, էջ 548-549 գրիչ Ոսկան վարդապետ, վաղի Յուշի:

4 «Առաքել վարդապետի Դավրիժեցոյ Պատմութիւն», Վաղարշապատ, 1884, էջ 270:

յուն: Բացվել է վանքի գլխավոր մուտքը պարսպի հարավ-արևելյան անկյունում (լայն. 1.95 մ):

Գլխավոր մուտքից արևմուտք, հարավային պարսպապարիս կից, 3-4 մ խորություն ունեցող հողաբլրի քակից պեղումներով բացվել են շինություններ, որոնք նույնպես կապվում են Ոսկան Երևանցու շինարարական գործունեության հետ: Ուշադրության է արժանի պարսպի հարավային պարիս կցված սյունազարդ սրահը (4.5x7.0 մ), նրա շարունակությունն է թաղակապ մեծ սրահը (թերևս հյուրատուն կամ գրատուն)՝ հինգ բաժանմունքներով: Վերջինիս կարմիր քարերով շարված կամարները բավականին լավ են պահպանվել:

Հարավային պարսպի ուղղությամբ, դեպի արևմուտք բացվել են մի քանի կրկնահարկ շինություններ, որոնց ներքին հարկերը թաղածածկ են:

Ս. Սարգիս մարտից հյուսիս-արևմուտք բացվել է երկու բաժանմունք ունեցող կամարակապ կառույց՝ բուխարիով, որը կարող էր իբրև սեղանատուն ծառայել: Փլաքակների միջից բացվել են վանքի հյուսիսային պարսպի երկայնքով տեղադրված վանախցերը: Ընդհանուր միջանցքներով իրար հաղորդակցվող սույն շինությունները մի առանձին ճարտարապետական համակառույց են կազմում Ս. Սարգիս վկայարանի (Ե. դ.), Ս. Ասրվածածին եկեղեցու (ԺԱ.-ԺԲ. դդ.) և գավիթի (1264 թ.) հոգևոր կառույցների շարքում: Վանախցերը հոգևոր շինությունների հետ կապվում են առանձին քարե աստիճաններով⁵: ճարտարապետական ներդաշնակ համակառույցն ամփոփում է միջնադարյան հայկական շինարվեստի շար նորություններ (հարդարանքի բազմաձևություն, բազմերանգ շինանյութի օգտագործում, որմնամույթեր, թաղածածկ և բազմանիստ գմբեթակիր փանիքներ և այլ մանրամասներ):

Պեղումների ժամանակ հայտնաբերվել են ԺԲ.-ԺԸ. դդ. թվագրվող կավանոթներ, քրեղաններ, ապակյա սրվակներ, մետաղե, քարե գործիքներ, մի քանի փասնյակի հասնող խաչքարեր:

Պեղման փորածքում ԺԲ.-ԺԴ. դդ. թվագրվող շերտը Վաչուրյանների փորապետության ժամանակաշրջանին է պատկանում: ԺԷ.-ԺԸ. դդ. թվագրվող ժամանակահատվածը կապվում է Ոսկան Երևանցու ծավալած շինարարական գործունեության հետ: Պեղումներով բացված այս կառույցներում բազմաթիվ նյութերի ուղեկցությամբ հայտնաբերվել են ևս հախճապակի անոթներ, որ իրավամբ կարող ենք Ոսկան Երևանցու սպասք անվանել: Վերջիններս գեղարվեստական մեծ արժեք են ներկայացնում: Հիմնականում կապույտ գույնի, բուսական ճյուղերով, շքեղ ծաղկաթերթիկներով, պտուղներով ծանրաբեռված պարկերներ են: ԺԶ.-ԺԷ. դդ. արտաքին առևտրի միջոցով Հայաստան ներմուծված հախճապակին կարող էր դառնալ և Ուշիի վանական միաբանության առանձին օգտագործման սպասք, հարկապես Ոսկան Երևանցու

⁵ Տե՛ս **Ֆ. Բաբայան, Ա. Քալանթարյան**, Ուշիի Ս. Սարգիս վանքը, Աճեմյան մարենաշար, Երևան, 2002, էջ 236-247:

վարդապետության օրոք, որին հասու էին թեև մահմեդական աշխարհում և թեև երուսալեան աշխարհում արեղի ունեցող արքայական նորամուծությունները: «Մրտալեւան» և «քրտիւնազարդ» քաճարը⁶ իրավամբ պետք է ունենար շքեղ սպասք:

1656 թ. Ոսկան Երեւանցին Ուշիում էր: Նույն թվականին Նակոր Դ. Ջուղայեցի Կաթողիկոսի կարգադրությամբ Մարթնոս Ծարեցին մեկնում է Երուսալեմ քաղաքի գործերով: 1660 թ. վերջապես ստեղծվում է բաղձալի քաղաքանը: Սկսում են քաղաքացի Շնորհալու «Յիսուս որդի»-ն: Սակայն նրան չհաջողվեց փոխել իր քաղաքանի հաջողությունը. 1661 թ. թշվառության և միայնության մեջ մահացավ ողբերգորեն: Այդ ծանր պահին առևտրական գործերով Ամստերդամում գտնվող նորջուղայեցի վաճառական Ավետիս Դլիճենցը վճարում է Ծարեցու պարտքերը՝ ոչ մի շահույթ չպահանջելով դրամի դիմաց: Նա մեծ դժվարությամբ ավարտում է «Յիսուս որդու» քաղաքությունը: Նայկական քաղաքանը պահպանվում է: Տպարանը կոչվում է Ս. Էջմիածնի և Ս. Սարգիս գորավարի անուններով⁷:

Ուշի գյուղի Ս. Սարգիս վանքի հիշատակությունը այս անվան հետ պարահական չէր: Այնպեղ վանահայր էր Ավետիսի եղբայր Ոսկան Երեւանցին՝ ժամանակի մեծ մարավորականը: Նրան է Ավետիսը հրավիրում Ամստերդամ հրապարակական գործը գլխավորելու: Նայ գրքի պակասը լրացնելու փափագով Ոսկան Երեւանցին թողնում է Ուշիի Ս. Սարգիս վանքը, Էջմիածնում ձեռնադրվում եպիսկոպոս և մեկնում Երուսալեմ⁸:

1664 թ. Ոսկան Երեւանցին հասնում է Ամստերդամ, 1668 թ. լույս է տեսնում Ոսկանյան Աստվածաշունչը (1462 էջ, 159 նկար), որը համարվում է քաղաքության պսակը, ինչպես Աստվածաշնչի Մահակ-մեսրոպյան թարգմանությունները: Ս. Էջմիածնի և Ուշիի Ս. Սարգիս անվան քաղաքանը գործեց քառորդ դար, հրապարակեց շուրջ քառասուն անուն հայերեն գրքեր: Ոսկանյան քաղաքանի աշխարհներով սկիզբ առավ հայերեն քաղաքությունը⁹: Այսպես է գնահատում Ոսկան Երեւանցուն Մաղաքիա արքեպ. Օրմանյանը. «Ոսկանի անձնատրությունը արժանի է մեր ազգին մարտրդարացման փեսակելուն մեծ երախտաբանությամբ կարգը դասուիլ, և հայ քաղաքության իսկապես մղումը բուռն ճանաչելու: Նախընտրյ քաղաքություն ճանաչում 1512 և 1513 քաղաքներու Յակորի հրապարակությունները, միայն ժամանակագրական փառք մը ունեցան, առանց իրական օգուտի: Ոսկանի գործն է, որ իր քաղաքախար մահուանէ ետքն ալ շարունակեց և չորացած բույսէ մը թափուած սերմերու նման բողբոջները բազմացան»:¹⁰

6 «Նայերեն ձեռագրերի ժԷ. դարի հիշատակարաններ (1941-1960)», էջ 750. տե՛ս **Ֆրինա Բարսյան**, Ուշիի Սուրբ Սարգիս վանքի պեղումներից հայտնաբերված հաճախակի. «Նին Նայաստանի մշակույթը XII», Երևան, 2002, էջ 103:

7 Տե՛ս **Ռ. Ա. Իշխանյան**, Նայ գիրքը 1512-1920, Երևան, 1951, էջ 58-63:


8 Տե՛ս **Գարեգին Լևոնյան**, Նայ գիրքը և քաղաքության արվեստը, Երևան, 1946, էջ 101-113:

9 **Ռ. Իշխանյան**, Նայ գրքի պարմություն, Երևան 1977, էջ 405-528:

10 Մաղաքիա արքեպիսկոպոս Օրմանյան, Ազգապատում, Բ, էջ 2954:



Պարսպի տակ կառուցված
վանախցերի մնացորդները



Ս. Աստվածածին եկեղեցու վերականգնման նախագիծ
(ճարտարապետներ Գրիգոր եւ Կորյուն Ղաֆադարյաններ)



Հախճապակե քասեր ԺԶ.-ԺԷ. դդ.



Ս. Սարգիս մատուռ-վկայարանը
վերականգնված



Ս. Սարգիս մատուռ-վկայարանը

Անդրադառնալով Ուշիի վանքի ընդհանրական անվանը՝ Սուրբ Սարգիս Զորավար, ասենք, որ Սարգիսը մեռնող և հարություն առնող հին աստվածությունների ժառանգորդության նոր քարոզի մարտիրոսն էր IV-V դդ.: Ուրեմն պարահական չէ, որ վանքի գլխավոր եկեղեցու հյուսիսային պատին բացված վիմագրում իշխանաց իշխան Վաչեն ծառգարդարի ծխական արարողությունը կարգադրել է կատարել Ս.Սարգիս վանքում: Իսկ Սուրբ Սարգսի և Մեսրոպ Մաշտոցի ավանդապատման իրական տեղեկությունն այն է, որ երկուսի գործունեությունն էլ ուղղված է եղել քրիստոնեության տարածմանը: Մեսրոպ Մաշտոցը հայ եկեղեցու ծխակալարության, հայացման ջապագավներից էր և հոգևոր գրականության հայերեն թարգմանության հիմնադիրներից: Նրանից ավելի քան մեկ հազարամյակ հետո Ոսկան Երեւանցին շարունակել է այդ ջանքերը՝ դրանք գործադրելով հանուն հայ տպագրության:

Պեղումներով բացված վանական համալիրի բացառիկ արժեք ներկայացնող շինությունները (պեղումներից հետո) մնացել են առանց ամրացման և վերականգնման՝ հիքավի վրանգված են: Դրանք ոչնչացումից փրկելու համար անհրաժեշտ է շուրափույթ ձեռնամուխ լինել համալիրի վերականգնման աշխատանքներին: 2004թ. վերականգնվել է Ս.Սարգիս եկեղեցի-վկայարանը: Կաթողիկե եկեղեցու վերականգնման բարձր գնահատականի արժանացած նախագիծը (ճարտարապետներ Գրիգոր և Կորյուն Ղաֆադարյաններ) պարբերաբար է: Հարկ է նաև ըստ արժանվույն գնահատել Ոսկան Երեւանցու երախտիքը և նրա հուշարձանը կանգնեցնել վանքի տարածքի համապատասխան տեղում: